

MESYUARAT PENGURUSAN AKRAB BIL. 1 TAHUN 2026



Labuan, 2 Mac 2026 – Mesyuarat Pengurusan AKRAB Bil. 1 Tahun 2026 telah diadakan pada 2 Mac 2026 (Isnin) bertempat di Bilik Mesyuarat Botanikal, Jabatan Pendidikan Wilayah Persekutuan Labuan pada jam 2.00 petang.

Mesyuarat telah dipengerusikan oleh En. Sabdin bin Japarudin, Ketua Kaunselor Pendidikan Negeri. Seramai 24 orang ahli AKRAB telah hadir bagi menjayakan mesyuarat ini.

Agenda utama mesyuarat adalah pembubaran Jawatankuasa AKRAB bagi penggal terdahulu (2019–2025) serta pembentukan Jawatankuasa AKRAB baharu bagi penggal 2026–2028. Proses pemilihan jawatankuasa telah dilaksanakan melalui undian dalam kalangan ahli yang hadir.

Hasil undian tersebut, Pn. Norazimah binti Yaacob, Penolong Pegawai Teknologi Maklumat, telah dipilih sebagai Pengerusi AKRAB JPWP Labuan bagi penggal 2026–2028.

Selain itu, taklimat berkenaan perancangan program AKRAB bagi tahun 2026 telah disampaikan oleh Pn. Salihah binti Yusoff selaku Penyelaras AKRAB JPWP Labuan. Taklimat tersebut merangkumi cadangan aktiviti, pengukuhan peranan ahli serta perancangan strategik bagi memperkasakan fungsi AKRAB di jabatan.

Mesyuarat telah ditangguhkan pada jam 3.57 petang dengan harapan agar barisan jawatankuasa baharu dapat melaksanakan amanah dengan komited dan berkesan demi memperkukuh budaya sokongan rakan sekerja di JPWP Labuan.

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)

[#tahuninitahunkita](#)



